



**Totivs Ivris Canonici Compendivm, Siue, Brevis Svmma In  
Qvinque Libros Decretalivm Sacri Concilii Tridentini  
Decretis Accommodata**

In Qva Ivris Canonici Primæ Institutviones, seu Elementa ita traduntur, vt plurima breuiter ac decisiuè explicentur, & Canonum, Glossarum, ac Doctorum receptorum auctoritate communiuntur ...

**Axel, Johannes Honorius van**

**Coloniae Agrippinae, 1656**

De ordine cognitionum. Titulus X.

---

[urn:nbn:de:hbz:466:1-61552](https://nbn-resolving.org/urn:nbn:de:hbz:466:1-61552)

tum, quæ per latronum tormenta quærenda est, per quod multorum salus & incolumitas procuratur. Commune est ꝑ omnibus ferijs, quod actus voluntariæ iurisdictionis etiam quolibet die feriato exerceri possint; l. 2. & l. actus & l. fin. C. hoc tit. potest itaque libellus conuenientialis produci in prima instantia, l. miles §. sexaginta ff. de adult. appellatio interponi, l. 1. C. de ferijs & ibi Salyc. num. 3. Paul. de Castro n. 2. Apostoli peti & dari, quia sunt actus extraiudiciales, Rot. decis. 82. de appell. in antiq. attestans de vsu & stylo. Porrigi libellus appellatorius, tam coram iudice à quo, quam coram iudice, ad quem, Bart. in l. 1. §. libelli ff. de appell. Bald. in l. 1. C. de ferijs n. 2. Delegationes & electiones iudicum fieri, Salyc. in l. 1. num. 3. C. de ferijs. nec non, recepto iuramento testium parte præsentem & die iuridica, eorum examinatio, quia est potiùs quid facti, quam iuris gloss. in clem. 1. de off. & potest. iud. deleg. Salyc. in d. l. 1. sub num. 5. C. de ferijs. Guid. Pap. decis. 215. plures actus cumulat & fac. Menoch. de arbit. lib. 1. q. 3. num. 14. & seqq. si in Imperatoris ortum aut natalem diem, celebranda solemnitas diuinæ maiestati dedicata inciderit, Schena theatralis, certamen, spectacula, & ludus differuntur, l. fin. vers. nihil eodem die C. hoc tit.

De ordine cognitionum,

Titulus X.

S V M M A R I A.

1. Recuperanda possessorium ob spoliū non violentum, siue proponatur agendo siue excipiendo, excludit super eadem re, exceptionem & actionem dominij alterius & proprij.
2. Recuperanda possessorium ob spoliū violentum ex vi expulsiua vel ablatiua rejicit omne aliud iudicium civile, siue petitorium, siue Summa in Decretales.

possessorium, & Criminale, nisi sit iudicium paræ potentie.

3. In Civilibus non admittitur exceptio spoliationis factæ ab alia quam ab actore, quodque spoliatio sit facta ab actore ipsi reo, & non alteri personæ.
4. In Criminalibus accusationibus nedum admittitur exceptio, & actio spoliationis facta ab aduersario, sed etiam à tercio, dum modo sit de tota substantia vel maiori parte.
5. Spoliationis exceptio probanda est infra quindecim dies.
6. Spoliationis exceptio multis casibus excluditur.
7. Spolium attentatum suspendit quocumque aliud iudicium.
8. Actore opponente de inhabilitate rei, & reo excipiente de inhabilitate actoris, prius discutendum est de inhabilitate actoris.
9. Super exceptione impediente processum, siue dilatoria, siue peremptoria qua opponitur ut dilatoria, siue ut alij dicunt super questione emergente ac causa principali, si iudex simul procedat, vel processum erit nullus, vel poterit appellari.
10. Exceptio peremptoria aut dilatoria siue questio incidens concernens ipsum factum, reseruetur post litem contestatam, & simul examinatur cum negotio principali.
11. Excipe qui agenti petitorio de matrimonio obstat exceptio consanguinitatis, de qua antea est cognoscendum.
12. Interim dum agitur civiliter contra delinquentem, non potest accusari criminaliter, nec à eor. tr. 1. coram eodem aut diuersis iudicibus.

**L**IBELLO oblato, lite contestata, præstita iuramento calumniæ, causæ merita examinantur, & quia sæpius ab actore plures mouentur quæstiones, interdum ab utraque parte, quandoque incidunt, quandoque emergunt, & dubitari possunt, quis ordo in

M m earum



earum cognitione & definitione sit secundus; ideo subnectit de ordine cognitionum, Prætermiſſis traditis in §. prauiduales, & per DD. in §. si min. de action. cumul. Inst. de act. Sciendum est primo, quod possessorium ꝛ recuperanda ob spoliū non violentum, siue proponatur agendo, siue excipiendo, nō impedit, nec retardat iudicium super alia re; Anch. in c. 1. n. 2. de restit. spoliat. in 6. & ibi Can. pul. hre Rot. decis. 718. num. 1. plures quotas allegans & remissive decis. 721. n. 1. part. 1. diuers. Sed excludit super eadem re exceptionem, & actionem dominij alterius & proprij: Pan. in c. super spoliatione n. 5. hoc tit. Rip. in c. super n. 50. de restit. spoliat. ob spoliū ꝛ violentum ex vi expulsiua, vel ablatiua, pro quo competit interdicitum vnde vi, aut vi bonorum raptorum actio, habet priuilegium ex sola eius pendentia, vt rejiciat omne aliud iudicium, Ciuile, siue petitorium, siue possessorium, Pan. in c. super spoliatione n. 19. post Innoc. hoc tit. c. 1. & ibi Anch. in 2. nor. de restit. spoliat. in 6. & Can. Greg. xv. decis. 281. & criminale, c. cum dilectus & ibi Pan. & c. fin. & ibi gloss. fin. & Can. Anch. in c. 1. num. 2. per illum text. de restit. spoliat. in 6. Rot. decis. 7 & decis. 721. part. 1. nisi sit iudicium paris potentie vt de alia spoliatione, d. c. fin. hoc tit. & ibi gloss. fin.

Ideo si actore agente possessorio, ob spoliū violentum reus proponat petitorium, non auditur siue super eadem re, siue diuersa, c. super spoliatione hoc tit. dicitur latius infra tit. de restit. spoliat. & si eodem actore agente petitorio, reus super eadem re, debeat possessorium siue agendo siue excipiendo, proceditur in solo possessorio suspenso petitoris; imo vtilius est spoliato, vt per actorem petat restitutionem, quia se probat spoliationem directe agendo, duo consequitur, & quod prius audiatur, & quod restituatur, licet aduersarius prius proposuerit actionem

suam, c. antiquus & ibi gloss. fin. & Archid. 2. quest. 2. c. ex conquestione & ibi Pan. sub num. 6. vers. & ibi consuluit gl. & num. 7. de restit. spoliat. & ibi Can. si super diuersis rebus ab actore prius ageretur petitorio, & postea à reo possessotio, est in electione conuentionis, an velit opponere spoliationem per viam exceptionis, an per viam actionis: de spoliatione opposita per exceptionem, prius est cognoscendum, quia est exceptio dilatoria prius terminanda, quam in principali negotio procedatur, c. 1. in princ. de restit. spoliat. in 6. & ibi Franc. num. 4. & Can. d. c. ex conquestione & ibi gloss. in verbo ante ipsius causa & ibi Can. & spoliatione probata non cogitur respondere actori, nisi ab ipso restituatur, sed non restituitur à iudice quia non fuit actum ad restitutionem, sed tantum exceptum ad repulsionem intentionis actoris; si vero reus actorem reconueniat de spoliatione, tunc vtraque quæstio simul ventilatur & probata spoliatione reus restituitur à iudice, quia intelliguntur duæ mutue petitiones sese tanquam diuersæ non contingentes, & vicissim tractatæ simul eadem sententia sunt terminandæ: d. c. cum dilectus c. fin. & ibi gloss. fin. hoc tit. ideo si de alio agit, & reus super alio se dicit spoliatum, vtilius est spoliato, vt in modum exceptionis proponat spoliationem, si actor eum in agendo præuenit, vt patet ex supradictis, gloss. fin. in fine in d. c. antiquus per d. c. dilectus. In eo diuersitas est, quia in ciuilibus ꝛ non admittitur exceptio spoliationis factæ ab alio, quam ab actore c. 1. §. statumus de restit. spoliat. in 6. etiam si res spoliata peruenit ad ipsum actorem, licet tunc contra eum agi possit alio remedio, Ioan. Andr. in d. c. 1. in gloss. super verbo destitutum & ibi Can. aut spoliatio facta sit à procuratore actoris, aut syndico vniuersitatis suo proprio nomine spoliante, l. si extraneus de except. doli & c.



Franc. in d. c. 1. sub nu. 4. Greg. xv. decis. 525. item requiritur quod spoliatio sit facta ab actore ipsi reo, & non alteri personæ, etiam à qua reus ius haberet. Franc. in d. c. 1. sub nu. 4. de restit. spoliat. in 6. Probata vero huiusmodi spoliatione exceptio semper obstat actori, quousque spoliatus integraliter sit restitutus, Franc. in d. c. 1. §. illum n. 3. & ibi Can. Quando esset facultas rerum restituendarum; alias si res essent in longinquo, & de eo constaret, tunc si actor fatidaret de re, vel æstimatione danda, tunc poterit procedi in causa: l. si fundæ §. in venditione ff. de pign. & hypot. Fran. post Ioann. Andr. in d. §. illam sub num. 3. Aut spoliator bonis cederet, antequam spoliatus integre esset restitutus, quoad fructus & expensas est audiendus, Rot. decis. 20. de re iud. in antiq. l. 1. & ibi gloss. pen. C. de cess. bon. & ibi DD. etiam si spoliator condemnatus esset per tres sententias conformes, Mohed. decis. 2. in 2. dub. de solut. las. in l. 1. num. 14. plura ponens exempli C. de iur. & fact. ignor. Imo quando spoliium fuit sine dolo commissum, spoliator etiam post tres sententias conformes admittitur, ad c. Odoardus & c. peruenit de solut. ad effectum agendi petitorio, non parito, quoad fructus & expensas; secus quando spoliium fuit dolosum, Mohed. de. is. 1. & 2. de solut. las. in d. l. 1. C. de iur. & fact. ignor. nu. 15. 4. iuncta l. 1. ff. de except. doli. In ¶ criminalibus accusationibus nedum admittitur exceptio spoliationis factæ ab accusatore sed etiam à tertio dummodo sit de tota substantia, vel maiori parte. d. c. 1. §. illum, ac ipsa actio de spolio excludit criminalem accusationem, & sic operatur duo, naturam exceptionis, quia excludit accusationem, & naturam actionis, quia spoliatus consequitur restitutionem à iudice, Pan. in d. c. cum dilectus nu. 17. hoc tit. Nam nec nudi contendere, nec inimicos nos inimicis opponere debemus, c. cum

ecclesia c. cum episcopus c. oportet 3. q. 2. Siquidem opponatur de expoliatione facta ab accusatore, tunc requiritur quod spoliatus integraliter sit restitutus, sicut quando ageretur civiliter, si vero opponatur & expoliatione facta à tertio, spoliatio tempus à iudice debet indulgeri, intra quod restitutionem imploret, ne forte sic velit existere, ut omnem accusationem eludat: quod si intra tempus indultum, causam, cum poruerit, non ducat ad finem non obstante spoliationis exceptione, deinceps poterit accusari: c. 1. §. solet de restit. spoliat. in 6. Ac etiam cessat hæc exceptio, si receperit bona, vel maiorem partem, nec requiritur quod integraliter sit restitutus, Franc. post Ioann. Andr. in d. c. 1. §. illum nu. 3. Præterea exceptio spoliationis factæ à tertio non admittitur, quando denunciatur crimen ad pœnitentiam, cuius finis salutem denunciati concernit; c. nouit de iud. quando de crimine civiliter agitur; c. postulasti de homicid. c. 2. eod. in 6. Aut quis inquisitionem criminis promouet, per quam non imponitur pœna ordinaria, sed alia arbitraria, c. super hoc c. cum oporteat c. inquisitionis de accus. Ioann. Andr. in d. c. 1. super verb. accus. sed dictis casibus admittitur, exceptio spoliationis factæ ab ipso denunciante, agente, vel promouere inquisitionem, Fran. in d. §. illum n. 2. Porro exceptio spoliationis probanda est ¶ infra quin. 5. decim dierum spacium, post diem in quo proponitur, alioquin excipiens in expensas condemnatur, & arbitrio iudicis punitur, d. c. 1. §. statuius, Multis casibus ¶ excluditur & hæc exceptio, primo rerum priuararum spoliatio agenti super ecclesiasticis, vel è contrario, nullatenus opponi potest; d. c. 1. §. fin. quia non de iure suo, sed de iure ecclesiæ expetit, tum quia res ecclesiæ sunt iuris publici: & dicuntur res ecclesiæ non solum spirituales, quæ non eadunt in laicum, sed etiam



restemporales, vt fundus, domus castra ecclesie, *Franc. in d. c. 1. §. fin. n. 2.* Eadem ratione non admittitur exceptio spoliationis de rebus mobilibus contra agentem de feudo, quia feuda processerunt de publico, *Afflict. decis. 19. Anchar. post Archid. in c. frequens in 10. not. de restit. spoliat. in 6. & ibi Can.* Secundo in causa matrimoniali, siue agatur possessorio siue petitorio, *gloss. addit. in d. c. 1. §. fin. Pan. in d. c. cum dilectus num. 23.* Tertio quando obligatus conuenitur ex obligatione firmata iuramento, *c. etsi Christus de iureiur. Pan. in d. c. cum dilectus num. 23.* Quarto non datur opponenti se confirmationi electionis, qui nõ de necessitate sed sponte se opponit, *Ioan. Andr. in d. c. cum dilectus num. 14. & pluribus alijs casibus, Ioan. Andr. in d. c. cum dilectus n. 13. & seqq. & ibi Pan. n. 22. & seqq. & Can. communiter Franc. in d. cap. 1. §. fin. in princ.* Præterea spoliolum ¶ attentatum, sui natura, suspendit quodcunque aliud iudicium, *c. non solum in fine de appell. in 6. & ibi gl. fin. & Can.*

8 Secundo si actor ¶ opponat de inhabilitate rei, & reus excipiat de inhabilitate actoris, prius discutiendum est de habilitate actoris, quam rei, *c. cupientes §. si vero & ibi gl. in verb. compareant de elect. in 6. & Franc. num. 3. de iur. & Archid. & Can.* & prius etiam cognoscetur de inhabilitate procuratoris, actoris, quam rei: hinc Curia non competit procuratorem impetrantem rescriptum iustitiæ probare mandatum ad petitionem procuratoris contradictoris, nisi prius ille suum mandatum ostendat, *Ioan. Andr. in c. nonnulli n. 46. in fine de rescript. & ibi Can.* Tertio si iudex

9 simul procedit super ¶ exceptione impediente processum, siue dilatoria, siue peremptoria, quæ ex speciali privilegio opponitur, vt dilatoria, *c. 1. de lit. contest. in 6. & ibi gloss. & Can.* siue vt alij dicunt super quæstione emergente, *Butr. in c. 1. n. 10. & ibi Pan. in*

*sine hoc tit. l. 1. c. de ord. iud. & super principali negotio vel processu erit nullus, vel saltem poterit appellari, propter contrarietatem, quæ sequitur exinde, c. exhibitæ de iud. Pan. in c. 1. n. 7. & latius post num. 11. vbi tradit duas mag. dist. hoc tit. Quod si iudex omittat cognitionem super huiusmodi dilatoria, reseruando eam post litem contestatam, tenet reseruatio si non appellatur, sed potest pars ab ea appellare, & habet iustam causam contradicendi; Pan. in c. cum contingat n. 13. ponens duas distinctiones & ibi Fel. n. 18. ponens regul. & duas fall. de off. deleg. quia in exceptione impediente processum, reus prius admittitur ad probanda ea quæ obiecit, quam actor ad fundandam suam intentionem, l. præses C. ad l. flauiam de plagiar. & super ea est prius pronuntiandum, expresse, vel tacite, quam procedatur super principali; c. ex parte 2. de appellat. l. à procedente C. de dilat. Exempli gratia, illegitimitatis exceptio obstat agenti petitione hæreditatis coram iudice sæculari, quæ est fori ecclesiastici, & tractanda remittitur ad iudicem ecclesiasticum, qui inhihet iudici sæculari, ne procedat in causa petitionis hæreditatis, donec causa natalium ecclesiastico iudicio per sententiam si rem accepit; c. tuam hoc tit. c. lator. qui filij sint legit. Rot. decis. 214. part. 1. & decis. 200. & 201. part. 2. diuers. Myns. obs. 100. cent. 1. vel eo ipso, quod commissa est causa illegitimitatis fit inhibitiõ ab ipso à canone: d. c. lator Rot. d. decis. 200. n. 4 & 9 & decis. 201. n. 1. Imo si tertius venit ad causam, inter duos alios agitatum coram iudice sæculari, & actor moueat quæstionem illegitimitatis coram iudice ecclesiastico, isti tertio, ratione illius duplicis iudicij, oritur quædam actio & exceptio præiudicialis, non solum respectu intentionis sed etiam respectu processus inter actorem & reum agitati, & est peremptoria & dilato-*



dilatatoria ratione perplexitatis, ac suspendit iurisdictionem iudicis secularis, ut non possit procedere inter duos primos collitigantes, quousque sit finitum secundum iudicium præiudiciale: *d. c. tuam Rot. diuers. decis. 275. part. 2.* Eadem ratione exceptio peremptoria exclusiua criminis, impedit processum in accusatione criminali, & super ea præmittitur cognitio, probatio, sententia, ut si agenti ex l. Flauia de plagiar. obijcitur exceptio dominij, l. *prases C. ad l. flau. de plag.* Similiter is qui non possidet, non potest agere diuisorio iudicio familiae eriscundæ, vel communi diuidendo, aut cum illis cumulare petitionem hæreditatis, vel rei vindicationem, si excipiendo negetur cohæres, vel condominus: nisi prius agat petitione hæreditatis, vel rei vindicatione, l. 1. & ibi gloss. in verb. *exceptionem* & l. si quid ff. *famil. eriscunda* l. 1. in fine ff. *comm. diuidendo*. Sed repellitur exceptio præposterationis, & exceptione ordinis, quia ordo est quod non possessor i. agat petitione hæreditatis, & rei vindicatione, dando diuisorio iudicio, l. non possumus ff. *si pars hered. pet. etc. d. l. si quid* & ibi gloss. in verb. *non venit. l. fundi ff. de ex. ept.* quæ debet proponi ante litem contestatam, & omnia non vitiat processum, quia est præposteratio vnius iudicij ad aliud, l. si mancipium & si communi & ibi gloss. ff. *de euit. l. 2.* & ibi gloss. in verb. *restitu. C. communi diuidendo*, quando in progressu causæ probata fuerit communitio hæreditatis aut dominij, qua probata apparet non deficere ius, neque eius exercitium; semper enim causa libelli est probanda, quando est talis sine qua libellus non fuisset receptus: *Innoc. in c. ex parte abbatissa post princ. de priuileg. Bald. in l. 2. n. 3 & 4. C. communi diuid.* quod si possideat eam partem, licet negetur esse cohæres, vel condominus, non obstat talis exceptio, vel ut Doctores

dicunt rite agit, sed non recte, quo fit ut eo casu ipse iudex apud quem diuisorium iudicium agitur, cognoscat an cohæres sit, vel condominus, nisi enim aut cohæres si aut condominus, neque adiudicari ei quicquam oportet, neque aduersarius ei condemnandus est, d. l. 1. *vers. quod si possideat ff. de famil. erisc.* ratio est, quia cum istæ actiones sint mixtæ, §. *quadam actiones Inst. de act.* ex sola possessione non probatur dominium aut titulus; *Bald. in d. l. 1. n. 1. 2. & 3.* tum quia possessor non potest promissum ordinem seruare, cum possessori non detur petitio hæreditatis, l. si quis libertatem §. *nam cum quidam Licinianus ff. de petit. hered. gl. pen. in d. l. 1. ff. famil. erisc.* Aut rei vindicatio, §. *aque si quis agat. etc. quod genus Inst. de actionib.* Super exceptione peremptoria ¶ aut dilatatoria, vel ut alij dicunt <sup>10</sup> quæstione incidente, l. 1. *C. de ord. iudic. Bur. in c. 1. n. 10.* & ibi *Pan. in fine hoc tit.* Concernente ipsum factum, non est opus quod prius pronuncietur, sed potest differri & reseruari post litem contestatam, simul examinari cum negotio principali, & satis est postmodum pronunciarisuper principali: l. 1. *C. de ord. iud. Pan. in d. c. 1. n. 11. hoc tit. & in d. c. cum contingat n. 13.* Exempla habes in *tit. Instit. de except.* Excipe quia ¶ agenti petitorio de <sup>11</sup> matrimonio, obstat exceptio consanguinitatis, de qua antea est cognoscendum; quia probata perimit principalem quæstionem, licet quando probata fuerit, iudex super ea non pronūciabit, sed super matrimonio abtoluendo reum, *c. 1. h. 1.* Dico petitorio, quia exceptio consanguinitatis, non admittitur in possessorio recuperandæ ad restitutionem mariti vel vxoris, etiam si probationes offeruntur incontinenti paratæ; in cæteris adiudicanda est restitutio, ac sola quoad commistionem carnalem restitutio est differenda; si in probatione, dilaciones expectantur hon-



giore, restitutio plenaria est facienda, c. litte-  
 2 *ras de rest. spoliat.* Quatto interim ꝛ dum agi-  
 tur ciuilitur contra delinquentem non po-  
 test accusari criminaliter nec è contra co-  
 ram eodem aut etiam diuersis iudicibus ne  
 causæ continentia diuidatur, l. inter, dum ff. de  
 pub. iud. & ibi post gloss. DD. §. librum & ibi gloss.  
 Inst. de lege aquil. Myns. obs. 97. cent. 1.

De plus petitionibus.

Titulus XI.

SUMMARIÆ.

1 Plus petitur causa, loco, tempore & re.

INTER incidentes quæstiones, quandoq;  
 reus excipit contra actorem, quod plus  
 petat, ideo annexit de plus petitionibus,  
 quæ sunt quatuor ꝛ modis, infra scripto ver-  
 su compræhensis: Plus petitur causa, tempore,  
 1 reus, loco, de quibus fuse dicitur in institutio-  
 nibus Imperialibus tit. de act. §. si quis agens & SS.  
 seqq. & titul. de except. §. hodie autem; cum quibus  
 cap. vnicum huius tituli concordat.

De causa possessionis & proprietatis.

Titulus XII.

SUMMARIÆ.

- 1 In spiritualibus & beneficiis, ex solo titulo,  
absque traditione, quis consequitur ius.
- 2 Spiritualia nunquam occupanti conceduntur.
- 3 In Beneficialibus potest haberi vera possessio sine  
causa & titulo iusto.
- 4 Retinende possessorium, aliud est summarissimum  
aliud ordinarium.
- 5 Summarissimum possessorium quibus datur.
- 6 In eo sufficit summaria cognitio.
- 7 Fertur sententia interlocutoria à qua non est li-  
cita appellatio.
- 8 Quando manentio pendet à negotio principali,  
prius discuti debet negotium principale.
- 9 Plenarium siue ordinarium possessorium adhuc

- durat terminato possessorio summarissimo.
- 10 In quo requiritur plenaria cognitio, & ex par-  
te actoris plena probatio.
  - 11 Sententia super eo lata est definitiva, à qua pro-  
hibetur appellatio omni iure.
  - 12 Quæ regula salit in aliquibus casibus.
  - 13 In Beneficialibus & spiritualibus ex vnico actu  
congruo acquiritur possessio, quando concu-  
rit animus acquir. rei, & scientia & pa-  
tencia aduorsarij, cuius interest.
  - 14 Fallit dicta regula quando possidenti ius resi-  
stis, & alijs casibus.
  - 15 Beneficialium ac spiritualium possessio ex vno  
vel duobus actibus amittitur.
  - 16 Ex conditionali actu transfertur possessio, quan-  
do Dominus simpliciter tradit.
  - 17 Circa acquisitionem dominij est distinguendū.
  - 18 Possessionis duodecim fructus enumerantur re-  
missiue.
  - 19 Possessio qua continuatur in heredem est ciuillissi-  
ma, & ex ea agi potest interdicto adipsicita.
  - 20 Subrogatio gratis quoad possessionem per prin-  
cipem competu interdictum adipsicenda.
  - 21 In spiritualibus quoad validitatem iurium, etiam  
sacramentalium, sufficit possessio confidentis.
  - 22 In Beneficialibus efficacia collationis sequitur  
possessionem.
  - 23 Possessor alio non apparente præsumitur in bona  
fide & præsumitur Dominus.
  - 24 Possessori debetur fructus, tam in temporalibus  
quam beneficialibus, nisi possessor resistat.
  - 25 Successor in beneficio non tenetur iustificare ti-  
tulū sui prædecessoris, sed sufficit ei ostende-  
re supplicationem signatam, vel probare  
communem reputationem, & pacificam  
triennalem possessionem.
  - 26 Habilitatum prædecessoris sufficit qualis qualis  
probatio, nisi detecta esset eius inhabilitas.
  - 27 In Beneficialibus agenti possessorio non obstat  
exceptio criminis, siue intentetur possessorium  
adipsicenda, post collationem, aut post electio-  
nem